

散曲叢刊  
第十二種

清人散曲

冊二

江山風月譜散曲自序

漢魏樂府降而六朝歌詞情也。再降而三唐之詩兩宋之詞律也。至元曲幾謂里言誹語矣。然張小山喬夢符散曲猶有前人規矩。在儷辭追樂府之工散句。擷宋唐之秀。惟套曲則似涪翁俳詞。不足鼓吹風雅也。予心好之情之所宣。每爲邯鄲之步。然音律未嫻。其聲之高下。不入格者。當復不少。然第寄意云耳。於聲律固不計也。得數十首。遂彙而錄之。並題其端云。



清人散曲選刊四目次

江山風月譜散曲

黃鐘

人月圓

題胡心農列翠樓印譜

正宮

醉太平

塞鴻秋

題人采菊圖

小梁州

仙呂

賞花時 二首

南呂

閱金經

燭花

題一清僧照

四塊玉

玉交枝

霧淞

中呂

紅繡鞋

雨後

無題

滿庭芳

無題  
二首

下花種

普天樂

無題

題張墨林照

山坡羊



朝天子

賣花聲

無題

胡心農戲作燈影

上小樓

雪霽

商調

梧葉兒

聞鄰家吹琯

越調

小桃紅

題畫

無題

柳營曲

無題

送費曉樓歸苕溪

凭闌人

天淨沙

二首

雙調

水仙子

無題

生沐屬寫水仙

海棠

無題

木香煎酥

無題

壽王兩樵母

聽雪

清江引

折桂令

無題

二首

題桐陰小隱圖

並蒂蘭

湖上

慶東原

碧玉簫

殿前歡

湖上

落梅風 三首

沉醉東風

撥不斷

以上共小令五十二首

附原書次序各系曲文首二字以爲別

水仙子 綠羅 小桃紅 輕紅

柳營曲 宵漏 水仙子 石凌波

醉太平 十二 紅繡鞋 松濤

滿庭芳 芭蕉 清江引 綠陰

折桂令 薔薇 滿庭芳 間庭

慶東原 雲低 梧葉兒 媚媚

碧玉簫 高樹 紅繡鞋 媚媚

殿前歡 楓頭 塞鴻秋 紅綿

閨金經 絳蠟 水仙子 雨聲

折桂令 瓊東 普天樂 薔薇

水仙子 隄邊 山坡羊 薔薇



|     |      |     |     |     |     |     |      |     |     |     |     |     |     |
|-----|------|-----|-----|-----|-----|-----|------|-----|-----|-----|-----|-----|-----|
| 落梅風 | 憑闌芳人 | 滿庭芳 | 小梁州 | 普天樂 | 水仙子 | 折桂令 | 沈醉東風 | 水仙子 | 賞花時 | 撥不花 | 落梅風 | 水仙子 | 賞花時 |
| 新涼  | 入定   | 珠泉  | 雨意羅 | 不教  | 看湖  | 小閣  | 岸邊   | 蛾綠  | 寒威  | 空江  | 脫絮  | 上樓  | 小桃紅 |
| 柳營曲 | 落梅風  | 天淨沙 | 折桂令 | 入月圓 | 四塊玉 | 天淨沙 | 玉交枝  | 水仙子 | 賣花聲 | 上樓  | 小桃紅 | 金貌  | 寒光梅 |
| 鵲巢水 | 蕉窗   | 絲絲桐 | 只絲桐 | 問芳花 | 龍陰  | 綠陰  | 雪車   | 暹雲  | 鸚哥  | 黃梅  | 金貌  | 寒光梅 | 寒光梅 |

清人散曲選刊四

江山風月譜散曲

許光治撰

江都任訥中敏編訂

黃鐘

人月圓

題胡心農列翠樓印譜

梅花香裏冬心淡。金鴨漏初中。一編把似新題列翠。  
舊意飛鴻。雕鏤刻畫。翻新竹素。泥燦芝紅。長年笑我。  
未忘結習。辛苦雕蟲。

正宮

醉太平

十二分煙月。百六日韶華。東風催趲一年花。問春光  
能幾家。紫綿深海棠梨暈。綠羅輕露芭蕉破摺。翠

絲長水楊柳垂了。索從頭看些。

塞鴻秋

題人采菊圖

蜉蝣祇作昏朝計。螻蛄豈識春秋意。蟪蛄局促人間世。蟲魚瑣屑書生事。龍頭翰墨場。燕領功名志。笑東籬未必淵明是。

小梁州

碧羅團扇戀新秋。庭院清幽。空階時見一螢流。青如豆。風閃墮簾鉤。月光淡。醺鵝兒酒。轉花陰移上高樓。黑暗中。黃昏後。玉簪香透。誰與當搔頭。

仙呂

賞花時

蛾綠山光橫黛橫。鴨綠湖波明鏡明。喜天色放新晴。

奈碧雲紅樹。猶有鷓鴣聲。

又

脫絮迷漫垂柳梢。脫錦鱗斑叢竹苞。又庭院綠陰交。  
怪呢喃燕子。猶是定新巢。

南呂

閱金經

燭花

絳蠟銀荷擁。翠盤金粟叢。一穗和煙暗綺櫳。紅蘭心  
雙玉蟲。垂花重。繡幃佳氣濃。

題一清僧照

入定忙功課。出塵閑過活。不動如如學古佛。哦無生  
參透麼。團瓢破。此時誰是我。

四塊玉

龍綃霧帳單。鸞綾繡被寒。燕語鶯啼夢初闌。蝶痴蜂  
驚春過半。向曉看。芍藥闌紅未殘。

玉交枝

霧淞

雪車冰柱。問舊日吟情何處。寒梅本自無多樹。竟粧  
成千萬株。梁塵白閃銀溜鬚。簾旌粉點瓊飄絮。多做  
成瑤臺玉宇。更誰知茅檐蓬戶。屑石敷碾粉塗曉色  
頓然殊。憶飯甕古諺辭。拈霧淞新詩句。碧釀暖斟曉  
寒。紅爐熾添宵炷。報豐年隔歲儲。

中呂

紅繡鞋

雨後

石燕飛還。綠野黛螺。洗出青山。暮靄鐘聲有無間。雄

雷天鼓歇。雌霓霓帝弓彎。喜新晴剛到眼。

又

嫋嫋新篁乍展。陰陰高樹初齊。庭院深沉乳雅啼。花  
光當檻動。香篆出簾低。午窗風又起。

滿庭芳

薔薇檻亞。荼蘼徑仄。芍藥闌斜。春紅都被東風嫁。細  
數韶華。梅雨波添釣槎。麥風晴送田家。邨莊話。聽來  
不差。小滿動三車。

又

綠陰野港。黃雲隴畝。紅雨村莊。東風歸去春無恙。未  
了蠶忙。連日提籠採桑。幾時荷鋤栽秧。連耒響。田塍  
夕陽。打豆好時光。

下花種



珠泉瀉琲。銀花碾粉。翠竹書牌。三秋花事今朝在一種親栽。祝小白長紅盡開。待輕黃淺碧齊胎。闌干外。香安豔排。端整好秋懷。

普天樂

雨聲中。韶光晚。餘香戀蝶。碎錦飛鴛。芳情寄日疎。好景隨春遠。落盡殘紅成秋苑。耿東風滿地無言。深深閉門。茶煙白晝。花霧黃昏。

題張墨林照

雨意闌。春情悄。詩吟白苧。字寫紅蕉。花叢見舞蝶。葉底閑歌鳥。更賞尚書新詞料。又東風紅杏花朝。還須畫着珠排。荆樹。翠茁蘭苕。

山坡羊

薔薇早卸。玫瑰又謝。春歸纔信春無價。紅雨歇。綠陰

遮東風冷落銀屏夜。燒燭有人憐歲華。蝶猶戀花。蝸  
空篆葉。

### 朝天子

夜闌夢殘。又早是三更半。一枝花影轉闌干。明月臨  
窗畔。蠟淚紅乾。麝臍碧散。燭花攢香。燼寒大難。但看  
來黠鼠翻書案。

### 賣花聲

鸚哥嘴露輕紅。啁鳳子腰爭膩白。嬌雀兒羽展嫩黃。  
描高樓畫閣。曉眼初覺。一聲聲喚將春到。

### 胡心農戲作影燈賦此

黃梅葉老金堪嵌。萊菔根肥玉試剗。繇麻梗直壁爭  
銜。一燈鏡檻南。油光滅絕勝他碧。紗籠淡。

### 上小樓

雪霽

寒光滿霧。晴暉載露。霽雪晶瑩。朝陽四注。不數蓬壺。  
岸旁榆水邊樵。瓊瑤相屬。便粧成玉梅萬樹。

商調

梧葉兒

聞鄰家吹笛

閑庭悄。夜氣清。何處發新聲。鳳軫移瓊瑟。鸞簧度玉  
笙。雁柱按瑤箏。渾不似風前細聽。

越調

小桃紅

題畫

輕紅一樹小桃花。早把東風假。膩粉凝脂總無價。燕  
飛斜。呢喃共說春朝話。烏衣舊家。紅襟新社。相賞好。